

[Augsburg], 13. Dezember 1561

An Johannes Oporinus

UB Basel, Fr. Gr. I 11, fol. 248r.

Steinmann Nr. 739.

Lit.: Husner S. 156.

<S.> Etsi te meas literas posteriores etiam, aut iam accepisse aut breui vnâ cum 300 f. accepturum reor (Sic enim D. Io[annes] Fuggerus postridie Cal[endas] huius mensis mihi affirmauit, se prima quaque occasione Tannensi praefecto scripturum, vt 300 f. tibi mitteret) tamen quia τὸ οἰκεῖον πιέζει, et tabellariorum fides me non semel frustrata est: paucis repetam meam de Epicteti operib[us] sententiam. Tu facies nihilominus quod tibi aequum et bonum videbitur. Sic igitur censeo, quanquam paruae autoritatis ac nullius potius censor: Te et studiosorum et tuis commodis consulturum videri, si Enchiridion, Simplicium, Arrianum cum praefationibus tantum et annotationib[us] meis Latinè excuderis, forma octaua, charta grandiuscula, qualis est Graeci Euripidis, et eo charactere, quo in praefatione Enchiridijs es vsus. De tempore quod scribam non habeo. Si caepisti iam: facile absoluueris. Paruus enim libellus est. Sin id nondum factum: quod optem habeo, quod sperem non habeo. Vale et D. Carino S[alutem]. Idibus Xbris. 1561.

Hiero[nymus] Wolfius  
Tuus.